

Gedicht van Har Sniekers  
Torna | Cultura-café van 8 maart 2015.

*MAASGOUW*

Politiekers mèt potloead en passer  
duipdje dich op Mestreechter teikentaofel  
mèt dae gruuetsse naam

Aoj grenze waerdje oetgegumdj  
liene oppernoew getrokke  
zoea draag ich noe dien vaan

Wiewaal op zelfdje aerd oet  
vaders zweit en zwieël geboeare  
veul ich mich d'r gans verlooare

Bèn e burgerservice  
nummer mèt geplastificeerdj gezich  
in 't systeem van dich

Mèt wachtwoeard online  
kalle wae good en waal  
allein nog mer in digitaal

Door acht jaor zoea te zeen verbónje  
höb ich van Brachter leefdje  
neet vääöl óngervónje

En ich kroep zoea gaer ins wie e wècht  
bie zie moder oppe sjoeat  
of veuls se dich daovuuër te groeat?

Ich vraog 't mer. Waem wètj  
liktj 't gewuuen toch aan de Maas  
die van aodsher bintj of... jus sjètj.